



18. december 2018

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

**1. Naalackersuisut qinnuigaakka akileraartarnermut malittarisassat kiisalu inunnut ikiorsiissutinik utertitsilluni akiliisarnermut malittarisassat naatsumik nassuiaateqarfigeqqullugit, pineqartillugu innuttaasoq timersornermut kulturimulluunniit nersornasammik aningaasartallimik pissarsisoq?**

**2. Pisortat aningaasanik qassinik annasaqassappat, tamakku nersornaatisiat akileraarutaaruttuugaluarpata peqataanillu nersornaatisiat tamaattut aningaasartallit pisortat ikiorsiissutaannut tunniunneqartartunut attuumassutaarutsinneqartuugaluarpata?**

**3. Suliamut tunngasunik allanik soqutiginaatilinnik naalackersuisut paasisutissiisinnaappat?**  
(Inatsisartunut ilaasortaq Justus Hansen, Demokraatit)

**Tunngavilersuut**

Demokraatinut pingaaruteqarpoq nunatut inunnik pikkorissunik nersorinnittarnissarput, immikkoortuni assigiinngitsuni maligassiuisutut inissisimasunik.

Taamaattumik nuannaarutigaarput ukiut tamarluinnaasa soorlu timersornermi, kulturimi, avatangiisini allanilu assigiinngitsunik nersornaatinik agguaassisoqartarmat.

Taamatut nersornaatisinermi ataqqinaatip saniatigut nersorneqarneq aningaasartaqartinneqartarpoq. Aningaasat taakku akileraaruteqaataasussaapput aamma ilaannikkut aningaasat ikiorsiissutisianut aamma imaluunniit pensionisianut kinguneqartinneqartarput.

Demokraatini isumaqarpugut, nersornaatisiat taamaattut aningaasartallit akileraarutaaruttariaqartut aamma nersornaatisiat aningaasartallit pisortat ikiorsiissutaannut il.il. sunniuteqartassanngitsut. Tusarusupparput taamatut isumaqarnitsinnut Naalackersuisut isumaqataanersut aamma qilanaarpugut apeqqutitta ullut sulliviit naliginnaasut qulit iluanni akineqarnissaannut.